

1★ جموں کشمیر حکومت نے آئندہ امرناتھ یا ترا غا سلسلہ مانہ تمام رستاں نانہ 1 جولائی تیں 10 اگست توڑی نو فلائینگ زون قرار دتو ہے۔

2★ وزیر اعلیٰ عمر عبداللہ نے ٹور اوپریٹراں نال میٹنگ منعقد کر غے جموں کشمیر مانہ سیاحت نانہ بابدو دین غی ضرورت ور زور دتو ہے۔

3★ اسرائیل تے ایران بشکا ر جا ری کشیدگی غا سلسلہ مانہ بھا رتی سفارتخانہ نے بھارت غا طالب علماں نانہ تہران تیں با حفاظت باہر کڈیو ہے۔

4★ 22 اپریل نانہ دہشت گردانہ حملہ توں بعد جموں کشمیر مانہ بند ہو ئی بیشتر سیاحتی جگہاں نانہ آج دوبارہ تیں کھول دتو گیو ہے۔

5★ تے محکمہ موسمیات نے آئندہ تہاڑاں مانہ جموں کشمیر مانہ موسم خراب رہن غی پیشنگوئی کی ہے۔

No Flying Zone

آئندہ امرناتھ یا ترا خاطر بڑا سخت حفاظتی انتظامات نانہ یقینی بنان غی کو شش مانہ جموں کشمیر حکومت نے 1 جولائی توں 10 اگست توڑی یا ترا غا پورا رستہ نانہ نو فلائینگ زون قرار دے دتو ہے۔ یا درہ جے یاہ پابندی ڈرون، غباراں سمیت تمام قسم گا فضائی آلات ور لاگو وے گی۔ اس مانہ پہلگام تے بالتال غا دوئے رستہ شامل ہیں۔ واضع رہ جے یاہ پابندی اطلاعات، طبی انخلاء، قدرتی آفات سنگ نمڑن با رے انتظامیہ تے حفاظتی دستاں غے ذریعے کی جان آلی نگرانی غا کماں ور نہیں لائی جائے گی۔ ان اقدامات غو مقصد یا تریاں غی حفاظت تے سالانہ یا ترا بہتر طریقہ کار سنگ یقینی بنانو ہے۔

CM Delegation

جموں کشمیر مانہ سیاحت نانہ بابدو دین غی خاطر وزیر اعلیٰ عمر عبداللہ نے آج بھا رتیہ ٹور اوپریٹراں غا اک وفد نال تفصیلی گل بات کی ہے۔ وفد نال گل کرتاں واں وزیر اعلیٰ نے کہیو جے اُن غی حکومت سیاحت نانہ بابدو دین غی خاطر ہر ممکن مدد فراہم کرے گی۔ اُن نے صنعتاں غا شراکت داراں غا آپسی تعاون غی ضرورت ور وی زور دتو

ہے۔ جس غی مدد نال جموں کشمیر غی سیاحت نانہہ بابدو دے غے مقامی معیشت نانہہ مضبوط بنایو جا سکے گو۔

MEA Indian Students

ایران مانہہ بھارتی سفارت خانہ غی طرفوں تہران مانہہ جا ری کشیدگی غا سلسلہ مانہہ اُت موجود بھارتی طالب علماں غی حفاظت نانہہ یقینی بنان واسطے اقدام چایا گیا ہیں۔ اس سلسلہ مانہہ خارجی معاملان بارے وزارت غی طرفوں جا ری ایکن بیان مانہہ کہیو گیو ہے کہ تہران شہر مانہہ دوجا مقیم بھارتیاں نانہہ با ہر کڈن واسطے وی اقدام جا ری ہیں۔ واضع رہے جے گجھ بھارتی شہریاں نانہہ ارمانیہ غی سرحد غے ذریعے ایران تیں باہر کڈیو جا ریو ہے۔ ذریعان نے دسیو ہے جے بھارتی سفارتخانہ اپنا شہریاں نال رابطہ مانہہ ہے تا نچے اُن نانہہ سلامتی نال وطن واپس آئیو جا سکے۔

DC Doda Iran

دوڈہ غا ضلع ترقیاتی کمشنر ہر ویندر سنگھ گو کہنو ہے جے ضلع ڈوڈہ غا 7 طالب علم جھیڑا جے ایران مانہہ ایم بی بی ایس غی پڑھائی غی خاطر گیا ہیں۔ وے بالکل باحفاظت ہیں۔ واضع رہے جے ایران تے اسرائیل بشکار گجھ تہاڑاں توں کشیدگی چل رہی ہے۔ اس سلسلہ مانہہ ڈی سی موصوف نے کہیو ہے جے ضلع انتظامیہ ان طالب علماں غا کُنباں نال رابطہ مانہہ ہے تے اُن غی حفاظت نانہہ یقینی بنان بارے تمام کوشش کی جا رہی ہیں۔ اس سلسلہ مانہہ ڈی سی موصوف نے اس طرح کہیو۔۔ بائٹ۔۔

Special Feature 11 Years

بھارت سیوا سو شاسن تے غریب کلیان غا اصولاں غے پیش نظر اک دہائی مانہہ اک قابل ذکر تبدیلی توں گذریو ہے تے آکاشوانی نیوز تھارا واسطے اہم شعباں مانہہ گذشتہ 11 سالان توں حکومت غی کاوشاں وراک کاص خصوصیت پیش کرے تے اج ہم تمام خاطر سستی صحت غی دیکھ بھال ورتوجو مرکوز کراں۔ یاد رہے جے گذشتہ 11 سالان مانہہ بھارت غا صحت شعبہ غا دیکھ بھال آلا نظام مانہہ اک بڑی تبدیلی دیکھی گئی ہے، اسی تناظر مانہہ آیو شمان بھارت ہُن 55 کروڑ لوکاں نانہہ مالی تحفظ فراہم کرے تے اس مشن غے تحت 78 کروڑ توں متا ڈیجیٹل ہیلتھ کا رڈ آلا افراد نانہہ بغیر کسے رکا وٹ غے صحت غی دیکھ بھال خاطر رسائی فراہم کی ہے تے اس غے نال نال بھارت نے تیزی نال کوویڈ 19 غا رد عمل مانہہ ابتدائی سکریننگ تے کووین جیسی ویکسین مہم نانہہ چلا غے اپنا موقف مانہہ سچو ثابت ہووے۔ واضع رہے جے ہر خاص و

عام واسطے حکومت معیا ری صحت غی دیکھ بھال نانہہ یقینی بنان خاطر اپنو نمایاں کردار ادا کر رہی ہے۔

مزید خبراں نال محمد اشفاق عدیم۔ ور اُس تیں پہلاں یوہ پیغام۔ (یہ خبر تم آکاشوانی جموں تیں سُن رہیا ہیں، تے یہ خبر مہاری ویب سائٹ نیوز آن آئیر ڈاٹ گوو ڈاٹ ان ور وی دستیاب ہیں، اس تیں یہ خبر مہاری مو با ٹل ایپ تے ڈی ٹی ایچ وروی دستیاب ہیں)

Tourist Destination

جموں کشمیر غا کئیں سیاحتی مقامات جہیڑا 22 اپریل غا دہشت گردانہ حملہ غے بعد ہو گیا تھا تے اج توں کھول دتا گیا ہیں۔ علاقان نانہہ محفوظ بنان تے تحفظ غا احساس نانہہ یقینی بنان خاطر سیاحتی مقام غی چار چوفیری حفاظتی دستاں نانہہ بڑی تعداد مانہہ تعینات کیو گیو ہے۔ لیفٹنٹ گو رنر منوج سنہا نے بار آلے تہاڑے اک حکم نامہ مانہہ 16 سیاحتی مقام نانہہ کھولن غو حکم جاری کیو تھو۔ ان مانہہ 8 سیاحتی مقام کشمیر تے 8 سیاحتی مقام جموں خطہ مانہہ شامل ہیں۔ دوبا رہ کھولیا گیا سیاحتی مقام مانہہ وادی کشمیر غی بیتاب وادی، ویرینگ، ککر ناگ تے اچھا بل باغ شامل ہیں جد کہ کٹھوعہ ضلع مانہہ سرتھل تے ڈگر، ضلع ریاسی مانہہ دیوی پنڈی، سیاڑ بابا تے سولا پارک، ضلع ڈوڈہ مانہہ گل دندا تے جئے ویلی تے ادھم پور مانہہ پنچیری شامل ہے۔ اس سلسلہ مانہہ بولتاں واں اک سیلانی تے اک گھوڑا آلا نے اس طرح کہیو۔۔۔ باٹ۔۔۔

Yoga Day Doda

آتا عالمی یوگ تہاڑا غے پیش نظر ضلع انتظامیہ ڈوڈہ نے ڈی سی آفس کمپلیکس مانہہ اک تازگی بخش یوگ سیشن غو انعقاد کیو۔ اس اجلاس غی صدارت ضلع ترقیاتی کمشنر ڈوڈہ ہر ویندر سنگھ کر رہیا تھا۔ محکمہ آیوش غا تعاون سنگ منعقد ہون آلا اس اجلاس غو مقصد یوگ غے ذریعے جسمانی تے ذہنی تندرستی نانہہ فروغ دینو تھو۔ اس موقع ور ڈی سی موصوف نے یوگ غی اہمیت نانہہ اُجاگر کرن ور زور دتو یا دہ رہے جوہ اجلاس آن آلا دناں مانہہ منایا جا رہیا یوگ تہاڑا غی تقریب مانہہ شرکت تے بیداری نانہہ یقینی بناوے۔

Yoga Day Announcement

آکاشوانی جموں غا علا قائی خبراں آلا شعبہ غی طرفوں یوگ غا عالمی تہاڑا غا سلسلہ مانہہ 20 منٹ غو اک خصوصی پروگرام نشر کیو جا ئے گو۔ یوہ پروگرام پلک یعنی 18 جون نانہہ سویرے 7 بج غے 10 منٹ ور نشر وے گو۔ اس پروگرام مانہہ مہا ری مہمان سجاتا ستھو زندگی مانہہ یوگ غی اہمیت با رے اپنا خیالات سانجہ کریں گی، تے اس پروگرام غی میزبانی مہاری نیوز اینکر شروتی کھجوریہ تے کنال شری واتسو کریں گا۔ یاد رہ جے یوہ پروگرام میڈیم ویو 303 میٹر یعنی 909 کلو ہرٹز تے ایف ایم 100 عشاریہ 3 میگا ہرٹز وروں نشر کیو جا ئے گو۔

Rajouri Employment Mela

نوجواناں نانہہ خود روزگا ر مہیا کرا غے کاروبا ر نانہہ بابدو دین غا مقصد نال ڈاک بنگلو راجو ری مانہہ مشن یوا غے تحت روز گا ر مہیا کران با رے ضلع مرکز غی طرفوں آج اک میلو منعقد کرایو گیو۔ جس غو افتتاح راجو ری غا ضلع ترقیاتی کمشنر ابھشیک شرما نے کیو۔ اس موقعہ و ر ڈی سی موصوف نے بکھ بکھ محکماں غی طرفوں لایا گیا سٹالں غو معائنو کیو۔ مشن یوا غا امدادی ڈیسک وی قائم کیا گیا تھا۔ واضع رہ جے اس میلہ غو مقصد مشن یوا غی جانکا ری نانہہ عام کرن غے نال نال فائدو چان آلاں نانہہ تربیت تے مالی امداد مہیا کرا غے کامیاب کا روبا ری بنانو بے۔

Weather

محکمہ موسمیات غی طرفوں جا ری کردہ تا زہ ترین پیشنگوئی غے مطابق جموں کشمیر اندر آن آلا دناں مانہہ موسم آبر آلو د ربن غو امکان ہے، اس تناظر مانہہ محکمہ موسمیات نے 20 جون تک جموں کشمیر غا بکھ بکھ علاقاں مانہہ تیز ہوا واں غے نال نال گرج چمک سنگ بارش ہون غی پیشنگوئی کی ہے تے 21 تے 23 جون بشکا ر خراب موسم غے چلتیں تیز بارشاں غو امکان ہے۔ اس سلسلہ مانہہ محکمہ نے عوام نانہہ اپیل کی ہے جے وے موسم غا حالات نانہہ مد نظر رکھتاں واں احتیاطی تدابیر اختیار کریں۔
